

PROGRAMA GALEGO DE PREVENCIÓN E CONTROL DA TUBERCULOSE

A tuberculose (TB) é unha enfermidade infecciosa previble e curable que se transmite polo aire. Os pacientes cuxos pulmóns albergan bacilos da TB poden contaxiar a outras persoas, sobre todo, cando tosen.

Cando os casos se detectan pronto e reciben un tratamento completo, os pacientes deixan rapidamente de ser contaxiosos e acaban curándose.

A posta en marcha do **Programa Galego de Prevención e Control da Tuberculose** a finais do ano 1994, coa priorización do tratamento do enfermo tuberculoso, permitiu unha diminución importante no número de casos de TB na nosa comunidade.

A **meta** do programa é reducir a morbilidade e transmisión da TB para que esta enfermidade deixe de ser un problema de saúde na nosa comunidade.

O **obxectivo xeral** é continuar coa progresiva e sostida diminución da incidencia da TB para conseguir que no ano 2015 Galicia presente unha incidencia de ao redor de 20 casos novos por 100.000 habitantes, que é o camiño para ser considerada unha comunidade con baixa incidencia de TB, ao ser este o comezo da fase de eliminación.

Para a consecución dos obxectivos do programa, son fundamentais as **medidas organizativas**, co fin de reducir o risco de exposición, destacando entre elas:

- A rápida identificación e diagnóstico dos pacientes con sospeita de TB, sobre todo daqueles que presenten unha TB respiratoria con alto risco de transmisión.
- O illamento respiratorio dos pacientes que así o precisen.
- A inmediata instauración do tratamento.
- O estudo de contactos das persoas con enfermidade tuberculosa, nos casos en que estea indicado, e o das persoas con risco de infección tuberculosa.

Documentación técnica TB	>
Marco normativo da vixilancia da tuberculose en Galicia	>
Vixilancia epidemiolóxica da TB en Galicia	>
Formularios de declaración de enfermidade e infección tuberculosa	>
Material divulgativo	>
Día Mundial da Tuberculose	>
Contacto coas UTB de Galicia	>